

# Statistikat e Transportit Ajror

## Tremujori IV, 2025

**Tiranë, më 30 Janar 2026:** Në transportin ajror, gjatë tremujorit të katërt 2025, kanë operuar 28 shoqëri ajrore, nga këto 27 janë shoqëri të huaja dhe 1 shoqëri shqiptare. Në hapësirën ajrore shqiptare kanë fluturuar 89.257 avionë, nga të cilët 82,8 % të tyre e zë numri i mbikalimeve.


**Tab. 1: Dinamika në transportin ajror**

| Periudha                 | TR IV-2023 | TR I-2024 | TR II-2024 | TR III-2024 | TR IV-2024 | TR I-2025 | TR II-2025 | TR III-2025 | TR IV-2025 |
|--------------------------|------------|-----------|------------|-------------|------------|-----------|------------|-------------|------------|
| Numri i shoqërive ajrore | 18         | 19        | 25         | 28          | 18         | 19        | 29         | 31          | 28         |
| Numri i fluturimeve      | 13.836     | 13.334    | 18.600     | 21.572      | 15.072     | 13.332    | 18.458     | 22.938      | 15.396     |
| Numri i mbikalimeve      | 52.426     | 41.733    | 84.316     | 111.141     | 67.570     | 51.814    | 91.615     | 116.985     | 73.861     |

**Burimi:** Ministria e Infrastrukturës dhe Energjisë, llogaritje INSTAT

Volumi i mallrave (duke përfshirë postën) të hyrë dhe të dalë nëpërmjet transportit ajror rezultoi 743 ton, nga të cilat 72,4 % janë mallra të hyrë dhe 27,6 % janë mallra të dalë. Krahësuar me tremujorin e katërt 2024, volumi i mallrave paraqitet me rritje 18,9 %.

**Fig. 1: Volumi i mallrave dhe postës në transportin ajror, në ton**




**Burimi:** Ministria e Infrastrukturës dhe Energjisë, llogaritje INSTAT

**Për publikim 30/01/2026**

Në tremujorin e katërt 2025, kanë udhëtuar me linja ajrore 2.611.748 pasagjerë, nga 2.385.329 pasagjerë që kanë udhëtuar në të njëjtën periudhë të vitit të kaluar, duke u rritur me 9,5 %.

**Fig. 2: Transporti ajror i pasagjerëve**




**Burimi:** Ministria e Infrastrukturës dhe Energjisë, llogaritje INSTAT

### Eksportet/importet e mallrave me ajër

Volumi i mallrave të tregtuara (eksport dhe import) me ajër, në tremujorin e katërt 2025, është 545 ton. Krahësuar me të njëjtën periudhë të vitit 2024, ky tregues është rritur me 8,8 %.

Volumi i mallrave të importuara me ajër, në tremujorin e katërt 2025, zë 0,03 % ndaj volumit gjithsej të mallrave të importuara.

**Fig. 3: Eksport/import i mallrave me ajër, në ton**



**Burimi:** Drejtoria e Përgjithshme e Doganave, llogaritje INSTAT

# Metodologjia

Publikimi i Statistikave të Transportit Ajror paraqet të dhëna tremujore mbi transportin ajror të mallrave dhe pasagjerëve, si edhe mbi eksportin dhe importin e mallrave përmes transportit ajror. Të dhënat janë administrative. Burimi kryesor i informacionit është Ministria e Infrastrukturës dhe Energjisë si dhe Drejtoria e Përgjithshme e Doganave.

## Përkufizime

**Transport:** Lëvizja e njerëzve dhe/ose mallrave, duke përdorur mjete të ndryshme transporti. Transporti mund të kryhet me mjete të transportit ajror.

**Transport ajror:** përfaqëson lëvizje e përgjithshme të planifikuar të mallrave dhe/ose pasagjerëve, të kryera nga shoqëritë ajrore.

**Aeroport** - Një zonë e caktuar e tokës ose ujit (përfshirë ndërtesat, instalimet dhe pajisjet) të destinuara për t'u përdorur qoftë tërësisht ose pjesërisht për mbërritjen, nisjen dhe lëvizjen sipërfaqësore të avionëve dhe të hapur për operacionet tregtare të transportit ajror.

**Linjë ajrore** - Një ndërmarrje aviacioni që operon aeroplanët për qëllime tregtare që (i) kryen shërbime të planifikuara të transportit ajror, ose të dy, të cilat janë në dispozicion të publikut për transportin e pasagjerëve, postën, dhe / ose ngarkesa dhe (ii) është vërtetuar për qëllime të tilla nga autoriteti i aviacionit civil të shtetit në të cilin është themeluar.

**Shërbimi ajror i pasagjerëve** - Shërbimi ajror i planifikuar ose jo i planifikuar i kryer nga aeroplanët që transportojnë një ose më shumë pasagjerë të ardhura dhe çdo fluturim të listuar në oraret e publikuara si të hapura për pasagjerë.

**Shërbimi ajror i mallrave dhe i postës** - Shërbimi ajror i planifikuar ose jo i planifikuar, i kryer nga aeroplanët që mbajnë ngarkesa të ardhura (mallrave dhe postës), përveç pasagjerëve.

**Numri i fluturimeve** - Është numri i tretë fillestar i publikuar i caktuar nga operatori i transportit ajror në fluturim. Pasagjerët që përdorin një fluturim nga një aeroplan mund të udhëtojnë nën një sërë numrash të ndryshëm fluturimesh.

**Pasagjerë të transportuar** - Do të quhen të gjithë pasagjerët udhëtimi i të cilëve fillon ose mbaron në aeroportin raportues.

**Mallrat e transportuar** - Përfshijnë çdo ngarkesë e ngarkuar në avion ose e shkarkuar prej tij, duke përfshirë bagazhet e pasagjerëve dhe postën.

**Eksportet:** Janë në përgjithësi mallra të destinuara tek një vend i tretë, të vendosura nën regjimin doganor, në përpunimin pasiv, ose të rieksportuar pas përpunimit aktiv.

**Importet:** Janë në përgjithësi mallra që vinë nga një vend i tretë, të vendosura direkt në qarkullim të lirë ose që qëndrojnë në magazinat e ruajtjes nën procedurat doganore të lejimit për qarkullim të lirë, për përpunim aktiv ose për përpunim nën kontrollin doganor.

*Të dhënat e transportit ajror janë paraprake dhe subjekt rishikimi. Për më shumë, referohu: [Politika e Revizionimit Statistikor](#).*

### **Shpjegimi i simboleve**

**0** vlerë më e vogël se gjysma e njësisë matëse

- pa vlerë

(...) mungesë të dhënash